



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gülden Tugendt-Krantz

Tympe, Matthäus

Paderborn, 1613

Von fünff Mitteln/ durch welche man die wahre Tugend erlangen kan/

[urn:nbn:de:hbz:1-50841](https://nbn-resolving.org/urn:nbn:de:hbz:1-50841)

aber kein Oel darein geußt / davon das Liech
brennend bleibe.

Durch welche Mittel können wir
dann die wahre Tugend er-
langen?

1. Muß der Mensch / welcher ihm fürge-
setzt / dem Dienst des Allmächtigen Gottes
sich zu ergeben / festiglich glauben / daß
dies sein Fürhaben höher vnd wich-
tiger sey / als je ein Ding seyn könne.
Dann es gehet die ganze H. Schrifft für-
nemlich damit vmb / daß sie vns die Übung
der Tugend vielfältig vnd starck einrede / das
bilden vns auch ein / alle Stimmen / Gesän-
ge vnd Klang der Christlichen Kirchen / alle
Göttliche vnd Weltliche Gesetz: Dazu er-
manen vns die Exempel vnzahlbarer Heil-
igen / welche / voll des Himmlichen Liechts /
die Welt von Grund ihres Herzens verlassen
vnd der Tugend zugefallen seyn / also / daß
derselbigen ein grosser Anzahl / mit grossen
Frewden zu der Marter geeylet / etliche ges-
viertheilt / etliche gebraten / vnd andere viel
tausend allerley Peyn vnd Marter lieber
ausstehen / als in dem allergeringsten die
Götze

Hier. 9.
Der wey-
se rühme
etc.